


弘明集

籀才十四

四百七十五
墳七

5-1360



弘明集卷第十四

梁釋僧祐撰

墳

竺道爽檄太山文

釋智靜檄魔文

釋寶林破魔露布文

釋僧祐弘明論

竺道爽檄太山文

沙門竺道爽敢告太山東岳神府及都錄使
者蓋玄元創判二儀始分上置璇璣則助之
以三光下設后土則鎮之以五岳陰陽布化
於八方万物誕生於其中是以太山據青龍
之域衡霍處諸陽之儀華陽顯零班之境恒



岱列幽武之賓嵩峙皇川之中鎮四瀆之所
墳此皆稟氣運實無邪之穢神道自然崇正
不僞因天之覆順地之載敦朴方直澹然玄
淨進道四運之端退履五教之精內韜通微
之資外朗道德之明上達虛無下育蒼生含
德潛通無遐不徹遊步九崖翱翔玄闕故能
形無正始呼吸陰陽握攬乾坤推步八荒夫
東岳者龍春之初清陽之氣育動萌芽王父
之位南箕北斗中臯九天東王西母無極先
君乘氣鳳翔去此幽玄澄於太素不在人間
蕩消衆穢其道自然而何妖祥之鬼魍魎之
精假東岳之道託山居之靈因游魂之狂詐

惑俗人之愚情雕匠神典僞立神形元無所
記末無所經外有害生之毒氣內則百鬼之
流行晝則穀飯成其勢夜則衆邪處其庭此
皆狼蛇之群鬼梟蟒之虛聲自三皇創基傳
載于今歷代所崇未覩斯響也故零征記曰
天神正者則潛曜幽昧上騰高象下虧玄闕
逍遙雲影龍翔八極風興雨施化若雷電行
厨不設百味自然含慈秉素澤潤蒼生恩過
二養惠若朝陽應天而食不害衆命此乃靈
翔之妙節清虛之神道若神不正者則干於
万物因時託響傳惑於俗沮成散朴激動人
心傾財極殺斷截衆命枉害中年殂其骨肉

精神離迸痛傷元氣東岳之神豈此之謂也
故枕中戒曰含氣蠢蠕百蟲勿癭無食鳥卵
中有神靈天無受命地庭有形粗稟二儀焉
可害生此皆逆理違道本經羣民含慈順天
不殺況害猪羊而飲其血以此推之非其神
也又五岳真神則精之候上法璇璣下承軋
坤稟道清虛無音無響敬之不以歡慢之不
以感千譽万毀神無增損而汝矯稱假託生
人因虛動氣殺害在口順之則賜恩違之則
有禍咎進退諂僞永無賢軌毀辱真神非其道
也故黃羅子經玄中記曰夫自稱山岳神者
必是蟒虵自稱江海神者必是鼃鼃魚鼈自

稱天地父母神者必是猫狸野獸自稱將軍
神者必是熊羆虎豹自稱仕人神者必是獾
猴狃獾自稱宅舍神者必是犬羊猪犢門戶
井竈破器之屬鬼魅假形皆稱為神驚恐万
姓淫鬼之氣此皆經之所載傳之明驗也自
汝妖祥漸踰六載招來四遠靡不響應送疾
而往者如小水歸海獲死而還者哀呼盈路
重者先云便云筭盡輕者易降自稱其福若
使重患難濟則汝無恩中容之疾非汝所救
三者無效焉可奉事乃今羣民投身歸命既
無良醫善藥非散緩之能降經旬歷月曾無
影報以此推之有何證驗又國太元桓王及

封陽六國之懿節三台之輔光贊皇家黎元
慈悅天福謬加體嬰微疾謂汝之祇能感靈
德故宣德信命詣汝神殿獻薦三牲加贈珍
異若汝聖道通軋神致妙者何不上啓九皇
下諮后土叅集百靈顯彰妙術使國良輔消
疾獲安旣無響應乃奄薨遐驗此虛妄焉足
奉哉又昔太山石立社移神靈降象遐聲万
代此則軋坤之所感顯爲時瑞汝託稱其聖
旣不能興雲致雨以表神德留妖邪以損真
道正使汝能因槃動箸舉杯盡酒猶爲鬼幻
非爲真正况無其徵有何神也又太山者則
閻羅王之統其土幽昧與世異靈都錄使者

降同神行定本命於皇記察都籍於天曹群
惡無細不拾纖善小而無遺揔集魂靈非生
人應府矣而何弊鬼詐稱斯旨橫恣人間欺
殆万端蓬林之樹烏鵲之野翕動遠近列于
祠典聚會男女樹俗之心穢氣外疊梟聲遠
布毒鍾王境為害滋甚夫雲霧蔽天群邪擊
正自汝妖異多所傷害吾雖末流備階三服
每覽經傳而覩斯夔推古驗今邪不處正吾
將蕩穢光揚聖道告到嚴鉤魅黨還遊冢墓
餐果飲泉足生之路既今羣民無傾財之困
馬獸無羅網之卒若復顧戀望餐不去者吾
將宣集毗沙神王愆羅子等授以金剛屯真

師勇武秋霜陵動三千威猛難當曜戈明劍
擬則推山降龍伏魔靡不稽顙汝是小鬼敢
觸三光鶴毛入炭魚行鑊湯傾江滅火朝露
見陽吾念仁慈愍汝所行占此危殆慮即傷
心速在吾前復汝本形長歸万里滄浪海邊
勿復稽留明順奉行

檄魔文

釋智靜

釋智靜頓首頓首明將軍輪下相與玄塗殊
津人天一統宗師雖異三界大同每規良會
申展曩積而標榜未冥所以致隔今法王御
世十方思順靈網方申絃網弥絙大通有期
高會在近不任翹想並書喻意耳

夫時塞有通否終則泰千聖相尋群師迭襲
昔我皇祖本原天王體化應符龍飛初域節
權形以附万邦奮惠柯以覆六合威蕩四邪
掃清三六方當抗橫縱於八區組紘網於宇
宙夷靜七荒寧一九土而冥宗不吊真容擬位
重明寢暉靈舟覆浪故令蟻聚邪番興茲鳧見
暴起曠深真塗塵惑清衆虐鍾蒼生毒流万
劫懷道有情異心同忿我法王承運應期理
亂上承高曾下託群心秉天旗以籠三千握
聖圖以隆大業雲起四宮鸞翔天竺降神迦
維爲時城漸綏撫黎元善安卿士聳導群情
慰喻有疾嚴慧柯於胷中被神甲於身外愍

十八之無辜哀三空之路絕志匡大荒靖安
平難百域千邦高伏風化承君不忌重迷自
覆深攝愚懷故守僞見狼據欲天鷄鳴神闕
叛換壇場抗距靈節謂大位可登如規可改
覽茲二三遠為歎息昔大通統世羣方影附
有僞癡矢魔不遵改節干迕聖聽陳擾神慮
領卒歸區權形万變精甲照曦霜戈拂域靈
鼓競興響衝方外矯步陸梁自謂強盛王師
一奮群邪殛喪衆迷革心望風影伏況君單
將驍然一介士無方尋衆不成旅而欲違背
陵虐華邑篡奪靈權騰邈最勝以爲氣真可
不謬乎今釋迦統世道隆先劫妙化蕩蕩神

羅遠御智士雍雍雲笄蓋世武夫龍跳控弦
万隊恊略應真竒謀超拔故命使持節前鋒
大將軍鑒閭浮都督歸義侯薩陁波崙獨稟天
竒蒙塵玄鏡神高須弥猛氣籠世善武經文忠
著皇闕領衆十萬億揚鑣首路使持節威遠
大將軍四天都督忉利公導師武勝標羣文
超宏謀妙思絕塵心栖夢表憂時忘身志必
匡世領衆百万億鸞飛天衢使持節征魔大
將軍六天都督兜率王解脫月妙思虛玄高
步塵表略竝童眞功侔九地悼愍三塗忿若
縱害校却慷慨龍迴思奮領衆四百万億雲
迴天門使持節通微大將軍七天都督四禪

王金剛截朗質映暉金顏遐燭恩過九陽力
傾山海右眇則濛汜飛波左顧則扶桑落曜
德無不照威無不伏領衆七百萬億虎眇須
弥使持節鎮域大將軍九天都督八任王士大
維摩詰竒筭不思法柯遠震體合神姿權踰
万變呼吸則九服雲從咄叱則十方風靡哀
彼下民無辜三楚領衆九百万億飲馬虛津
使持節鑒後大將軍十三天都督小千諸軍
事九任王士大文殊承曹遐元形暉三曜胤自
紫宮神高體大應適千塗玄笈万計群動感
於一身衆慮靜於一念深抱慈悲情兼四攝
領衆若塵翺翔斯在使持節匡教大將軍錄

魔諸軍事群邪校尉中千王觀世音智略淵
深慧柯遠振明達四通朗鑒三固或託迹群
邪曜音鋒起或摧形二九息彼塗炭揮手則
鐵圍摧巖噓氣則浮雲頽嶠能爲万方不請
之友領衆不思杖戈虎嘯使持節布化大將
軍三界都督補處王大慈氏妙質蹤網天姿
標桀體踰金剛心籠塵表猛氣衝雲慧柯遠
奮無生轉於胷中權智應於事外志有所規
無往不就威恩雙行真俗並設領衆八万四
千嚴驚待命勇出之徒充逸大千金剛之士
弥塞八極咸思助征席卷六合乘諸度之寶
軒守八正之修路跨六通之靈馬控虛宗之

神轡彎弓四禪之勁弓放權見之利箭鳴驥桓
桓輕步矯矯奉命聖庭曾無有關貴邦導師
勝子五百幽鑒天命來投王化聖上開襟感
炁歸順皆受名爵封賞列土功侔舊臣聲蓋
万域而君何心橫生異計偃蹇荒邊規固常
位毒害勃於蒼生天禍流於永劫可不哀哉
可不謬哉君昔因時爲物所惑狂迷君心投
危外竄百行一愆賢達常失久謂君覺智返
愚歸罪象季來身抽簪同遊群雋以道自權
榮名終始如何攝愚守謬偷安邪位託癡山
以自高恃見林以遊息耽六欲之穢塵翫邪
迷以怡性建憍慢之高幢引無明之凶陣闊

步荒塗輕弄神器盜篡天宮抗衡日月恐不
果哉舉手而映三光把土以填巨海雖擬心
虛標事之難就將軍殖福玄津原承彌遠華
貽暉然群情屬目望曹之基易登由來之功
可借君可改往修來翻然歸順謝過朱門以
道齊好家國竝存君臣同顯身名獲安曉自
迷達觀眷屬晏然可不美哉今王師剋舉十
万翹轡手提法羅齋舞群聖道柯曜於前驅
靈鼓震於後隊神鍾一叩十方傾覆海浪飛
流陸原涌沸于斯之時須弥籠於一塵天地
迴於一粟無動安於左襟妙樂曜於右手神
力若斯豈可當也我法王體道仁慈不忍便

襲權停諸軍暫壹靈轡臨路遣書庶迴迷駕
君可早定良圖面縛歸闕委命皇庭逍遙玄
境隆名內暉遊形外寄上方即任非君是誰
夫慧當識機明貴免禍窮而知反君子所美
斯乃轉禍之高秋取功之良節昔夏桀背主
殷王致伐商紂首亂周武建師此即古今著
龜將軍之明誠相與雖乖於當年風流同味
人天崎嶇何足致隔想便懽然通書致命所
以竊痛其辭委曲往文者不欲令蘭芳夏凋
脩柯摧頽深思致言善自量竿無使君身傾
匡三趣莫令六天鞠生稊稗造穎眇目助懷
惕然臨路遣書諸情多憤言不籍意

破魔露布文

釋寶林作

賢劫大千微塵年五濁鼎沸胡現壽百齡日
使持節都督恒沙世界諸軍事征魔大將軍
淨州刺史十地王臣金剛藏使持節都督八
万波羅蜜諸軍事破結將軍領魔蠻校尉大
司馬梵州刺史八地公臣解脫月等稽首和
南上聖朝尚書謹案夫六合同曜靈之鑒群
流歸百谷之王万化均于空玄衆竒宗於一
智斯蓋理有宗極之地統物無殊趣之會是
以如來越重昏而孤興蔚勤功於曠劫曜三
塗之高明拔洪癡於始造窮聖德之區奧究
無生之虛致覽物化之樞機握宏德之紘紐

至若英姿挺特神光赫弈雖復千暉並照固
已絕矣身殊万狀而非衆體合至妙而不一
應出五道而非生示入形亡而非滅希夷况
惚無名無像莫測其深靡知其廣應群感而
不勞周万動而常靜歷恒沙以倏忽撫八荒
於俄頃兩儀頽陷而不夷力負潛段而不易
吸大火而不焦懷洪流而不溺軋坤不足以
語其德文玄不足以明其道巨苞六合不可
以稱其大妙入無間不可以名其小介乃亭
毒蒼生化兼始母無欲無爲而無不爲翺翔
千應變之塗逍遙千有無之表挺達群聖之
端恬惔涅槃之域二乘韜思於重忘之致十

住息慮於動靜之機梵王咨嗟以歸德帝釋
伏膺而厭位其爲聖也亦已極矣於是應定
光之遐記驗大通之圖錄出五道而龍興超
帝皇以命世道王三界德被十方畿甸恒沙
都邑大千偃九定之閑室登七覺之雲觀濯
八解之清池遊揔持之廣苑亦乃戴慈悲之
殿處空同之座袞龍衆好天冠頂相左輔彌
勒之流右弼文殊之疋前歌大方之雅頌後
舞四攝之鑿拂衛以八任體虛之士侍以四
果卓落通仙三臺唯聖六府唯賢亦乃宣教
姬孔宰守虞唐揚威湯武州牧三皇其爲化
也坦八正之平衢開三乘之通津列無爲之

妙宅濟大苦於勞塵杜三惡之姦路啓權樂
於天人爵以果伯之位祿以甘露之餐功巨
者賞以淨土之封勲小者指以化城之安此
乃超百王之洪業太平之至治也五趣官身
之清朝四生土位之宗極而群迷愚嶮背真
弥曠欣濡沫之近足忘江湖於遠全故魔王
波旬植愚根於曠始積迷心於妄境沉三染
之洪波入邪見之稠林至乃竊弄神器假僞
冒真夸王天宮分列嶽土制命六天縱肆偏
威內以三公諸毒卿相九結外以軍將六師
戎卒四兵內行跋扈不忌皇憲自火螢光爭
暉天照故乃頃者抗行神威揚兵道樹震雷

公霹靂之聲列擔山吐火之衆又持世致惑
於靜室波崙悲號於都肆斯皆癡狂縱虧于
聖節作亂中夏爲日久矣聖皇悼昏俗之聾
瞽悲弱喪以增懷將揔群邪以齊見會九流
而同津於是命將大勢之徒簡卒金剛之類
茹金嚼鐵之夫衝冰蹈火之士勇卒塵沙驍
雄億萬星流風發龍騰魔境置軍萬全之策
逼寇必死之野而魔賊不祇敢執蠻荆之蠢
介抗宗糒之逋傲建麾於自憍之地結固雲
迷之嶮傍唐重複俠疊鱗次且其形勢則癡
山嵯峨固其前愛水浩汗張於後邪林蔚蒼
蒙其左癡澗淵玄帶其右塵勞之卒豺視於

交境六師之將虎步於長遠望若雲起蔽天
霧塞六合其爲盛也開闢罕有臣等於是承
聖朝之遐威出超曷之竒略蓋以高筭之籠
弥以玄策之圍精騎千重步卒万市遊師翳
野屯塞要害使前將軍檀那望慳麾以直進
後軍毗耶蹇懈卒於其後禪那略淤騎於其
左尸羅防密姦於其右外軍漚和浪騎隊於
平原之上走逗兵於詰屈之下陳虎旅而高
驤設危機於幽伏中軍般若握玄樞之妙鑿
把戰勝之竒術控億兆之雄將擁塵沙之勁
卒於是衆軍響應万塗競進感動六合聲震
天地雄夫奮威浪奔白刃之光奪於曦曜法

鼓之音亂於雷震。靽馬趨趨以騰擲。迅象飛
控以馳驅。禪弓烟舉而雲興。慧箭雨灑以流
虛鞭以假名之策。蹴入無有之原。研以師子
之吼刺以苦空之音。揮干將而亂斬。動戈矛
而競偃。橫塵尸以被野。流勞血於長川。崩癡
山之嵯峨。竭愛水之洪流。窮僭於諸見之窟。
挫高於七慢之巢。於是魔賊進無抗鱗之用。
退無希脫之隱慮。盡路窮迴遑。靡據魔王面。
縛於魔庭。群旅送命於軍門。諸天電卷以歸。
化迷徒風馳於初暉。皇威掃蕩其猶。太陽之
燐晨霜注洪流以滅。爝火故使万世之逋。殺
土崩於崇朝。中華之昔難肅清於俄頃。斯誠

聖皇神會之竒功曠代著世之休列雖昔殷
湯建雲功於夏郊周武掃清氛於商野斯乃上
古之雄竒豈以得齊於聖勲臣輒奉宣皇猷
綏慰初附安以空同之宅充以八解之流防
以戒善之禮習以六度之風耆年者悟其即
真於新唱弱喪者始聞歸與之音夫應天順
罰春秋之道興功定亂先王所美元惡以賓
祗從聖憲六合同明廓清宇內玄風遐扇率
土懷慶朝有康哉之歌野有樂哉之詠功高
道大非見所表聖慮幽深非言能宣粗條皇
威竒筭之方又列衆軍龍驤之勢電驛星馳
謹露布以聞臣等誠惶以下

余以講業之暇聊復永日寓言假事庶明大道冀好迷之流不遠而復經云涅槃無生而無不生至智無照而無不照無生無照一切皆成成無成而無不成其唯如來乎戰勝不以干戈之功略地不以兵強天下皇王非處一之尊霸臣非桓文之貴丘姬之教於斯遠矣聃周之言似而非當故知宗極存乎俗見之表至尊王於真鑒之裏中人躊躇於有無之間下愚驚笑於常迷之境今庶覽者捨河伯秋水之自多遠遊于海若之淵門不束情於近教而駭神于長廣之說也

弘明論後序

釋僧祐

余所集弘明爲法禦侮通人雅論勝士妙說
摧邪破惑之衝弘道護法之塹亦已備矣然
智者不迷迷者乖智若導以深法終於莫領
故復撮舉世典指事取微言非榮華理歸質
實庶迷塗之人不遠而復摠釋衆疑故曰弘明
論云夫二諦差別道俗斯分道法空寂包三
界以等觀俗教封滯執一國以限心心限一
國則耳目之外皆疑等觀三界則神化之理
常照執疑以迷照群生所以永淪者也詳檢
俗教並憲章五經所尊唯天所法唯聖然莫
測天形莫窺聖心雖敬而信之猶矇矇弗了
況乃佛尊於天法妙於聖化出域中理絕繫

表肩吾猶驚怖於河漢俗士安得不疑駭於
覺海哉既駭覺海則驚同河漢一疑經說迂
誕大而無徵二疑人死神滅無有三世三疑
莫見真佛無益國治四疑古無法教近出漢
世五疑教在戎方化非華俗六疑漢魏法微
言代始盛以此六疑信心不樹將溺宜拯故
較而論之若疑經說迂誕大而無徵者蓋以
積劫不極世界無邊也今世咸知百年之外
必至萬歲而不信積萬之變至於曠劫是限
心以量造化也咸知赤縣之表必有四極而
不信積極之遠復有世界是執見以判太極
也昔湯問革曰上下八方有極乎革曰無極

之外復無無極無盡之中復無無無盡朕是以
知其無極無盡也上古大賢據理訓聖千載
符契懸與經合并識之徒何智得異夫以方
寸之心謀己身而致謬圓分之眸隔墻壁而
弗見而欲侮尊經背聖說誣積劫罔世界可
為愍傷者一也若疑人死神滅無有三世是

自誣其性靈而蔑棄其祖禰也然則周孔制
典昌言鬼神易曰游魂為變是以知鬼神之
情狀旣情且狀其無形乎詩云三后在天王
配于京升靈上旻豈曰滅乎禮云夏尊命事
鬼敬神大禹所祗寧虛誕乎書稱周公代武
云能事鬼神姬旦禱親可虛罔乎荀云而有

靈則三卍如鏡變化輪迴孰知其極俗士執
禮而背叛五經非直誣佛亦侮聖也若信鬼
於五經而疑神於佛說斯固聾瞽之徒非議
所及可爲哀矜者二也若疑莫見真佛無益
國治則禋祀望秩亦宜廢棄何者蒼蒼積空
誰見上帝之貌茫茫累塊安識后稷之形民
自躬稼社神何力人造庸啜蜡鬼奚功然猶
盛其犧牲之費繁其歲時之祀者豈不以幽
靈宜尊敬民美報耶況佛智周空界神疑域
表上帝成天緣其陶鑄之慈聖王爲人依其
亭育之戒崇法則六天咸喜廢道則萬神斯
怒今人莫見天形而稱郊祀有福不觀金容

而謂敬事無報輕本重末可為震懼者三也
若疑古無佛教近出漢世者夫神化隱顯孰
測始終哉尋羲農緬邈政績猶湮彼有法教
亦安得聞之昔佛啻澄知臨澗伏石有舊像
露盤捷陀勒見槃鷄山中有古寺基墟衆人
試掘並如其言此方代之遺徵晉世之顯驗
誰判上古必無佛乎列子稱周穆王時西極
有化人來入水火貫金石反山川移城邑乘
虛不墜觸實不礙千變萬化不可窮極既能
變人之形又且易人之慮穆王敬之若神事
之若君觀其靈跡乃開士之化大法萌兆已
見周初感應之漸非起漢世而封執七持為

嘆息者四也。若疑教在戎方，化非華夏者，則
是前望執地以定教，非設教以移俗也。昔三
皇無爲，五帝德化，三王禮形，七國權勢，地當
諸夏，而世教九變，今反以至道之源，鏡以大
智之訓，感而遂通，何往不被。夫禹出西羌，舜
生東夷，孰云地賤而棄其聖。丘欲居夷，聃適
西戎，道之所往，寧選於地。夫以俗聖設教，猶
不繫於華夷。況佛統大千，豈限化於西域哉。
案禮王制云：四海之內，方三千里，中夏所據
亦已不曠。伊洛本夏，而鞠爲戎墟；吳楚本夷，
而翻成華邑。道有運流，而地無恒化矣。且夫
厚載無壇，寰域異統。北辰西北，故知天竺居

中今以區分中土稱華以距正法雖欲距塞
而神化常通可爲悲涼者五也若疑漢魏法微
晉代始盛者道運崇替未可致詰也尋沙門
之修釋教何異孔氏之述唐虞乎孔修五經
垂範百王然春秋諸侯莫肯遵用戰伐蔑之
將墜于地爰至秦皇復加燔燼豈仲尼之不
肖而詩書之淺鄙哉邇及漢武如顯儒教舉
明經之相崇孔聖之術寧可以見輕七國而
遂廢後代乎案漢元之世劉向序仙云七十
四人出在佛經故知經流中夏其來已久逮
明帝感夢而傳毅稱佛於是秦景東使而攝
騰西至乃圖像於關陽之觀歲經於蘭臺之

室不講深文故莫識奧義是以楚王修仁潔
之祠孝桓建華蓋之祭法相未融唯神之而
已至魏武英鑒書述妙化孫權雄略崇造塔
寺晉武之初機緣漸深耆域耀神通之跡竺
護集法寶之藏所以百辟搢紳洗心以進德
万邦黎憲刻意而遷善暨晉明覺悟秉壹棲
神手畫寶像表觀樂覽既而安上弘經於山
東什公宣法於關右精義既敷實相弥照英
才碩智並驗理而伏膺矣故知法雲始於觸
石慧水流于濫觴教必有漸神化之常感應
因時非緣如何故儒術非愚於秦而智於漢
用與不用耳佛法非淺於漢而深於晉明與

不明耳。故知五經恒善而崇替隨運佛化常
熾而通塞在緣一。以此思可無深感而執疑
莫悟。可為痛悼者六也。夫信順福基。迷謗禍
門。而況矇矇之徒。多不量力。以已所不知而
誣先覺之遍知。以其所不見而罔至人之明
見。鑒達三卅反。号邪僻專。抬自前自謂明智
於是迷疑塞曾。謗譴盈口。輕議以市重。苦顯
誹以賈幽。罰言無錙銖之功。慮無毫釐之益
逝川若飛。葳山如電。一息不還。奄然後世。報
隨影至。悔其可追。夫神化茫茫。幽明代運。五
道變化。于何不足。天宮顯驗。趙簡秦穆之錫
是也。鬼道交報。杜伯彭生之見是也。修德福

應殷代宋景之驗是也多殺禍及白起程普
之證是也現世幽微備詳典籍來生冥應布
仁尊經但緣感理奧因果義微微奧難領故
略而不陳前哲所辨關鍵已正聊率鄙懷繼
之于末雖文非珪璋而事足鞶鑑惟愷悌君
子自求多福焉

弘明集卷第十四

墳

檄

胡的反也

創判

上初狀反始也

璇璣

上似宣反

斗居

也嵩峙

上息弓反中岳也

反立也

韜

土高反藏也

翺翔

上吾

高反下

音祥

梟

上古堯反

逆

鳥

蛇

飛騰也

也

也

也

也

也

作沮

成

上才反

殂

在胡反

離

下必孟

蠱蠕

上尺尹反細下音也音勿瘦下一頂龜鼉元

軟音非魚鼈滅反并猫狸下上莫交反反熊

從龜碑二音黃其形一似狒攬上音猴之屬

青黑猪犢下音讀奮薨弘反邑檢反下兄動箸

下直慮反舉杯下孟織善細也息廉反翕動許

反及亦作筋近翳正計反一孽妖魚列反愁羅和音曜

戈和反古稽頰蘇朗反啓下鶴毛上篤反胡稽留上音

曩積反上乃黨標榜音上必苗反下紘經反上惠萌

名之搃時塞則反桑否終反上皮美迭襲反上徒結

音也下惠柯也下音哥斧柄抗反苦浪組大古登反

暄反一計虐反魚却胄直胤也反綏撫上音

也無辜罪也音姑鷄鳥夷反尺叛換上音伴

壇場 界分也 音亢 距 二抗拒字 干 下音悟 迕 觸也 照

曦 反下興日也 矯步 反上居小 矜喪 上初下 龍跳 反反 驍然

反古堯也 一介 下音界 篡奪 患上反 龍跳 條音 都督

下音揚 鏢 反下必 有標羣 反上必 功侔 下音牟

慷慨 下上共朗反 右眄 視下音類 濛汜 音上音蒙

之日處 吐吒 下上丁骨反 飲馬 聲上去 胤 嗣也

鳴驥 反下居異 桓桓 武官反 開襟 金下音 偃蹇

下居 竄 鹿筭反 愆 去軋反 抽簪 反下側

僑 字後 盜篡 患下初 亢衡 反上苦浪 崎嶇 丘上奇 暉然

上羽 著龜 著上音 造穎 領上反 禾穗 也下 余惕

也 稊稗 賣上反 草名 造穎 穎 領上反 禾穗 也下 余惕

也 稊稗 賣上反 草名 造穎 穎 領上反 禾穗 也下 余惕

然上憤房粉反蔚音鬱盛也紘上紉上惠九反萌反網下

網也挺上特上赫上弈上恬上愜上况下惚下

上兄往反倏上音音恬音亦音明音盛音也音下音

畿二音甸祈毀袞上龍上鑿上拂上濡上沫上而上朱上

末上稠上林上流上直上竊上弄上夸上王上去上音音誇上跋上扈上

手反下音戶音茹上金上而上庶上嚼上鐵上約上反上宗上穉上苦上

通上傲上必上建上麾上許上為上重上複上平上聲上呼上

俠上疊上音音葉上嵯上峨上何上反上高上下上吾上漲上於上

蔚上蒼上於上勿上反上下上古上外上反上豺上音音柴上長上達上

下音開上闢上益上反上蹇上懈上六上反上秋上漚上和上侯上反上烏上

高上驤上騰上躍上息上羊上反上勁上卒上下上居上政上反上健上也上

趨上趨上馬上走上貞上下上徒上南上反上蹴上入上六上反上子上窮上

趨上趨上馬上走上貞上下上徒上南上反上蹴上入上六上反上子上窮上

僭

下子
念反

挫

則反
卧

爝火

上音雀
又才
約反
炬火也

逋寢

名下

上必
下苦
候反

躊躇

上反
直

綏慰

上音
安也

聃周

反在
老子

甘

曲也

大也

較而

上音

教比

一

眸

反

侮

慢也

誣

祖

禰

上音

旻

音

裡

祀

祭也

望

秩

下

庸

音

容

壙

小

也

鬼

上音

犧

牲

音

緬

邈

下

速也

績

反

湮

音

臨

下

槃

鷓

下尺

墟

音

我

墟

反

寰

域

上

上音

煩

徐

反

不

音

傳

毅

下

反

辟

必

反

搢

音

暨

其

反

悟

反

濫

觴

上

行

酒

下

傷

痛悼

下

